

淮海英靈續集序

予年二十時卽留心潤州一郡之詩得昔賢一室不啻獲至寶積五六年得二百餘家鈔爲一帙當風清月白之夕偶一展卷竹聲溪聲中古人之靈栩栩然如來左右也讀書松存閣與張寄槎肆力搜採又得二百餘家遂名之曰京江耆舊集閱今十數年矣竟無好義之士出全力以付之梓此心嘗以爲恨迨返翠屏後屏跡讀書因念本籍丹徒自先大父鐵甫公卜居江都已閱三世矣凡遇揚郡詩人之作輒錄之時阮雲臺官保督學兩浙有淮海英靈集之刻余亦鈔寫數家託友寄去官保書旣成獨缺已庚辛三集官保之意恐遺佚尙多特畱此三集以待補其表微闡幽之心勤勤懇懇如是求之古人殆難其匹况今人耶歲丙寅官保謝浙撫任家居

讀禮余以詩謂於文選樓官保一見卽欣然曰予心乎古者
某知之審矣某所輯英靈集尙缺三集子其與某弟梅叔共
續之子毋辭余退而嘆曰所缺三集官保豈不能自續之而
乃遲之久而必屬之梅叔與余者蓋官保今官制軍爲封疆
大臣有察吏安民興利除害之責在非若督學時可優游於
文翰也官保之用心真弗可及已余年四十有七矣碌碌無
可表見於世而徒竭心志于殘編斷簡之中聞者竊笑之然
苟能表章前哲俾其不朽使後之人文獻有足徵焉則余且
將附官保以名矣雙峯之間尙有如官保其人者耆舊一書
必久行於世矣則今日之序英靈不得不致慨於耆舊而益
重官保之爲人爲不可及也三集計十二卷共七百七十一
八詩一千四百九十四首因序之以質於官保江都柳村農

隱王豫識於翠屏洲曲江亭

淮海英靈續集

凡例

一英靈前集所刊甲乙丙丁戊壬癸宮保兄視學兩浙恐有遺漏闕已庚辛三集屬王徵君豫暨亨補之

一淮海詩人之盛其未刻集者無論已卽已刻而未行世者亦指不勝屈是集僅就所見暨友人郵寄載入遺漏恐多當待同學者補之

一通州如臯太興舊隸揚州今錄詩託始國初故未區別畛域同爲登載

一外省人入籍揚州仍載明原籍其流寓詩人亦分別載入

一是集以詩存人以人存詩固已然或人非端士或詩傷

雅教概屏弗錄其前集已錄者茲不復錄

一鉅公鴻儒名垂史冊不賴詩以傳者所收從畧若山林苦吟之士名不出里閭其集或未刻或刻而未傳者所錄較多

一每集各爲起訖以得詩先後爲定并無分別義例或一姓數人前後分列者隨到隨編未便畫一

一閨閣名媛詩取其溫柔敦厚可以感人而風世者錄之或自他省來嫁及出嫁他省者皆列焉

一浮屠道士向列詩人稱釋氏老氏者從魏收例也女尼亦仿舊選附入而仙鬼不錄焉

一所采諸書或全錄或節取皆于各條上冠以某人某書使閱者易于稽考或有僅存書名而全書未見者亦錄

其名以俟後之輯藝文志者考焉

滄海英靈續集目錄

己集卷一

鄭燾

劉師峻

陳卓

卞穎

鄭熙績

楊瑚璉

劉玠

盛治

繆肇甲

沈嘉植

郭礎

陳世景

徐元美

范大本

戴梓

齊思亮

王日講

李藻先

陳天祚

王鴻藻

黃宮植

周彭年

王梅

姚英遜

吳若梅

鄭昂

夏誠善

謝家樹

石湘

陳志紀

劉增琳

賀應昌

韓燥

樊庶

黃陽生

謝家玉

趙星福

楊燿

己集卷二

韓弋

張瑾

黃國胤

史繼鎬

宗範

張問達

張楷

范大士

高以位

陳瑄

吳之騷

鄭為憲

湯彭年

許承宣

韓曰起

盧英

李儒琛

蔣夢超

黃喬年

陳時震

孫永烈

費錫琮

費錫璜

周之翰

湯正垣

魏覃

魯衷淑

熊壽眉

張琬

陳忠靖

姚曼

史克欽

劉長會

孫兆祥

顧士吉

胡春生

盧生

陳玉榮

趙而忤

梁于浹

馮翳大

陸籛齡

喬湜

徐鼎鉉

徐芳霖

王而強

王倣通

王讓

許大儒

黃升

吳濂

吳如椿

黃封

黃亘

吳壽潛

陸壩

易之炯

己集卷三

席居中

張音

張茂枝

顧錫

孫枝尉

殷礎

楊廷鎮

蕭珩

季永鈐

李炳石

李亦文

劉彬

魏嘉琯

徐起霖

王錦

閔崧

張懋京

張雲鵬

張鎮

張壇

賈珩

盛如桂

蕭龍章

季愈

賈其章

宮壽平

翁伊

黃基

宋賢 宋楷 錢岳 郭涵

朱珏 蕭廷瓚 卞咸和 左維垣

汪馥 張垓 張宗乾 汪銘

楊縉 郭鉞 蔡孕環 顧元標

賈日近 賈國維 卞汾陽 瞿良士

黃鸞祥 施悅 江濤 劉坤

王鶴 張映室 王醇 朱鳳臺

張元珙 葉彌廣 李蘅 程應鵬

梁衍澗 趙參 程泰象 朱光密

保觀 程中莧 程澎 程涓

吳志祖 程庭苞 禹之鼎

丁倬 汪誠 汪宣 凌元鼎

方淳

已集卷四

黃瑄

李仙原

鄧瑞麟

鄧昂采

鄧邵榮

鄧勵秀

吳協姑

丁行乾

丁元會

丁龍受

江允泐

魯東錡

王奇遇

顧九銘

王孫驂

薛開

冒禹書

冒殷書

冒福書

冒志同

冒廷驥

冒廷駒

冒疇

冒春林

冒車書

冒漢書

冒春榮

張潮

王箴輿

王箴翼

解謙

萬卷

顧子觀

許道章

程崧

蔣繼博

蔣繼修

陳夢乙

蔣斯行

須秉真

李長順

郭士璟

鄭為旭

鄭為春

蔣繼珮

陳瑤笈

陳志泰

任立已

李四載

樊敏政

方挺

李堅

儲漢

吳為翰

顏光祚

俞元燈

蔣嘉會

范直

金鱗

馬日湘

張韻

蘇卓

黃泰來

饒眉

庚集卷一

宗學曾

俞維植

施震鐸

陳志科

陸國慶

鄭叔元

汪之珩

周永安

鄒之璜

談震德

洪嘉植

洪鶴年

孫奎

卓爾壇

陳志襄

楊衡選

于元瑾

陸鴻

朱廷察

單迅

王雅 湯起祚 生雲 周枚

周鳳鳴 詹守椿 施守平 閔長虹

洪必元 洪必韜 江源 章純仁

宮鴻營 宮鴻厯 張統 許彭年

丁確 石京 許之男 許彤

劉靖 孫燕 郭朝松 吳爾瑚

吳燿吉 劉梁楨 吳崇先 王肇修

黃鸞和 王尊德 秦賢 宮國苞

徐邦殿 程名世

庚集卷二

宮夢熊 蕭晨 余光紀 蘇宇

王鋒 劉懋賢 李湘 李潤

李浴

桑應張

郝琨

賈兆鳳

劉中從

范遠

葛宗芝

顏長愉

劉懋勳

繆芥

朱文心

馮蕃大

冒綸

費軒

李思訓

李麟

朱延宋

張槎

徐敷

朱濤

朱之璣

何龍光

陸引年

高獻可

許信瑞

沈昉開

潘西鳳

潘龍翔

郭延齡

張汧

江大鍵

繆肇祺

王元臣

王哲

王恪

黃霖

冒泰

冒國柱

汪棟

吳之輔

劉玉麀

負連鏹

苗莊

曹照

史慶義

朱紫

顧符積

江干

宮象宗

江岸

裘肇鼎

李商山

程日葵

樊謙仁

高銑

黃修溥

史應兆

沙揚

卞之涉

卞翰半

陸培

沈領

沈儼

黃沆

余洋

黃德溢

王雍鎬

宮繼蘭

楊允升

陳王陞

劉暖

黃天嗣

庚集卷三

李光國

朱宗大

徐寅亮

劉世謙

劉世謨

王文泗

程基

張馨

方汝謙

黃國豫

史克釋

任基振

方椿齡

吳本錫

陳松

喬大椿

姚修珩

高本立

余瀛

王翊

王聖 丁觀 汪其純 汪韶

侍朝 俞大謨 劉芳 汪佳俊

錢高翀 王嵩高 沈業富 林李

黃振 姜復基 姜履基 陸端

陸昌祺 馬子政 詹元杏 鮑城

宮履基 李懿曾 張應詔 張文豹

黃勛 方清喬 崔岱齊 任以貞

阮士悅 潘銑 潘徽 范景頤

黃豫 常建極 李綺木 芮增晚

連俊 許天球 杜士祿 蔣之夔

閔士雙 李拔式 施朝榮 方本

方谷 李銛 貴徵 閔志埜

閔鵬

繆昞

詹肇堂

趙人麒

陸向

黃文暘

凌鸞

袁承福

劉司炎

劉司夏

江振鴻

江士相

方二符

劉玉麒

羅聘

卞玉峙

高垂裕

鍾懷

陳琅

吳文祥

劉子方

羅懷玉

湯襄隆

高明

高承瀛

喬大鴻

庚集卷四

孫廷颺

孫鳴桂

許以恭

趙璉

鄭乾清

阮承春

黃驛

程世燾

徐元惠

徐元方

汪綱

吳宏雋

吳自強

吳樹本

黃德顯

湯世泰

程晉芳

胡長齡

成光化

汪夢桂

宮麟

宮協華

劉頴

管粵秀

劉芝集

江蘭

劉日杏

趙立誠

錢應時

喬茂才

喬尹度

喬標

成永健

朱澤潢

周英

史以徵

尤蔭

閔崧

賈寬生

蔣富書

陳本禮

袁慰祖

孫嘉樹

張鍾英

周屺

焦輪

王希方

王斯惇

張永升

周瑞

戴潤

顧麟瑞

顧煒

李勅

李葉

蕭霖

陸與齡

陸輿

石椿

陳志繹

夏宏

鍾岱

周以忠

沈霞

韓 釗 吳鵬孫 丁 御 夏廷英

葉士珍 丁 芳 周 儀 仲耀政

張康衢 汪聖清 徐觀政 喬人儀

江 澧 陳 桂 夏杏春 汪文錦

汪元長 黃 觀 吳 鵬 凌惟寅

顧鳳彩 湯 祁 周景昌 田 琳

吳士棠 汪光熾 翁 磊 顧道舍

陸 愚 蘇為烈 郭元鈺 黃成榮

韓 鈞

庚集卷五

王 授 陳 熒 焦 循 吳廷樽

程贊皇 劉台斗 吳文奎 吳 煥

居慎憲

李亨衢

畢貴生

夏震

劉萃集

喬棻

劉彥矩

李鍾泗

張鏐

張遵路

張紹先

張遡彭

仲振履

薛鳳翔

季耀南

孫喬年

金燮

胡廷森

劉澗

喬士玉

劉玉堂

孫吉昌

黃理

金潤

朱成梁

劉與喬

鄒熊

喬煊

劉澗

李斗

周詳

張蓋

文元星

丁覽

黃金

何寅

胡昞

湯之桂

卞履文

焦廷琥

劉寶篆

周琛

張承桂

旋錕

沈勤植

張熙

李官伯

劉源岷

李胸生

王漪

姜堅

季爾慶

卞賢

汪端光

王瑒

趙澧

湯中

俞由余

王王思濬

馮馮夢友
馮馮穎賢

辛集卷一

周姑娘

范姝

周瓊

吳氏

吳山

卞夢珏

徐幼芬

王璠卿

葉子眉

徐淑秀

汪氏

錢令暉

錢令嫻

李妍

宮婉蘭

吳師韜

沙懿清

叢禧

叢祁誌

戴凌濤

董白

鍾清

王毓貞

季嫻

高縈

顧志

王芝玉

張氏

湘場女子

鄧繁貞

石可仙

范毓秀

徐應坤 袁九嫵 范雲 吳正肅

陳貞媛 林馨 楊翠疇 方氏

姜氏 李華 劉文蘭 劉文芳

王蕙貞 喬又李 劉無儀 喬若蘭

郭少香 戴嬌鳳 石學仙 胡惟寧

韓張 楊氏 劉淑秀 李國梅

鄭氏 趙筭霞 陳素素 張蘭

辛集卷二

張因 汪桐音 張佩蘭 仲蓮慶

楊氏 盛鏡鸞 沙石貞 范德

鄭遇芳 徐素蘅 吳淑儀 劉氏

無名氏 仲振宜 仲振宣 洪湘蘭

仲貽鑾

祁瑞華

江珠

劉舜儀

熊璉

朱蘭

江秀瓊

阮安

姚婉兒

無垢

輝宗

辛集卷三

元度

寂燈

圓生

宏儲

通際

張濟

廣濟

德南

道賢

行凜

行定

本照

行溥

超泰

上續

上思

上崇

廣徹

行宏

宗智

顯應

秉正

超羣

瀚著

照調

果昌

妙信

海朗

通雲

實乘

達澄

能越

祖道 慧琳 心明 德孚

炳宗 性慧 圓能 達琪

自成 元龍 序樞 智闡

元爽 成德 超熾 超普

定源 紱岷 宗元 行演

悟成 淨鐸 化霖 枕石

明德 王來庭 朱太倥

淮海英靈續集

鄉人與為傳

鄭

燾

字溥如儀徵諸生少從王遂東園潛稿

東臺早秋夜集程德輝竹林齋

海國先秋氣微涼到客襟蟲多無近響桐老見疎陰
存好皆成癖忘言可問心阮家餘斗酒竟夕且同斟

歲晏移尊回光寺訪任閑長老

論文造禪室西北峩青樓似戒窺圍跡森森隔河流
揮塵落山照夜氣發羈愁歲序頻驚盡豈云泯怨尤

倚嵐亭

秋亭浩淼俯西灣引盡流霞莫解顏秘策當年傳古塚
奇文何地不名山六橋芳草愁中換三竺高峰夢裏攀
落落萍蹤隨所寄一天風雨夜燈閒

南徐舟中同王仲昭賦

自憐身世一蜉蝣
歷盡風塵攬敝裘
遠嶼乍升吳苑月
孤桐猶譜漢宮秋
幾灣煙水頻供醉
兩點金焦獨起愁
鼙鼓逢逢招郭璞
夢中彩筆可能留

劉師峻

字峻度江都人順治丙戌舉人官曲陽知縣遷行人

秋日東冒辟疆

世道無容話天心
良獨優風霾淹
昨夏饑渴抱
今秋江月維
君遠林雞益
夢愁廣陵濤
有訛何日放
虛舟

陳卓

字懋修江都人順治丁亥進士官至湖廣參政卒視鄉賢祠參政督學四川按試保寧劇賊劉文秀猝至拒城分守力卻之副使陝西徽驛傳侵漁之弊復官商分茶之法辨部民受逆回偽劄之寃民咸德之

官閣梅花

何公仙吏姿秉心
畧塵務官舍若山
居繞閣種梅樹悠
然香

色外自與性情遇孤清宦况同幽妍文心注別去頗相思重
來恐遲暮幕幕張花正繁酒熟賓時聚漸驚柯條新稍喜根株
故杯中浮飛英天外落奇句遂令水部名獨饒邱壑趣

卜

穎字慧生江都人順治戊子舉人官諸城知縣王柳

凋微漸起服官五載歸惟琴書而已

曉發

渡江趁曉風纜解瓜洲樹煙際忽聞鐘已過西津渡

鄭熙績

字懋嘉江都人順治戊子舉人官工部主事江蘇

中翰薦辭弗就著含英閣集

映雪

佐酒紅牙版禁寒白氎裘雖非高士臥亦不下山樓

楊瑚璉

字古存號聖與泰州諸生江蘇詩徵云古存好游佳山水遇卽忘家著文山迷游破帆吟三年一游

錄寄餘園
稿綉淡詞

題補山秋泊圖

雲水相遭處維舟儼畫圖
煙開城上樹風響岸邊蘆
擊楫興何壯論交意自殊
歸來詩滿載囊重累奚奴

西湖竹枝詞和毛稚黃

銷魂疑是斷橋西
花柳平分散滿堤
湖面直因輕界破黃鶯
今作兩邊啼

劉

炳字文清號念菴如皋人順治己丑武進士官湖廣

居鄉樂善好施創育嬰堂同善會有陳機亭之風子
增琮增琳增熾皆諸生為刻行素齋集可稱孝子矣

擬古

育嬰經殘冬懷抱不可釋
兒寒未有已艱苦進朝食口含母
乳啼遺溺更狼籍豈不厭辛勤
中道忍拋擲充此不忍心羣

黎望安宅傷哉長江南田廬產荆棘

渡黃河

勞人初渡河早發不蹉跎雪浪翻天急煙帆掛日過未能消
險阻何敢怨風波作楫誰人事臨流一浩歌

歸來

為侍慈親早乞還歸來蓬戶只常關不妨自勸花前酒何必
同登水上山宦海已辭三品俸孤雲好伴一身閒兒曹勉力
傳書史世上浮名我欲刪

盛

治

字允康江都人順治己丑進士官至河南兵備副使治令通城時亂後多流亡善招徠民負耒而返

卓異
部主事

祝秦母王夫人六十壽

紅萱開映北堂前玉液瓊芝啟玳筵王母信傳書似錦麻姑

果獻藕如船坤儀瑞毓珠增潤形管香生葉愈鮮海上鳳鸞
來咫尺和鳴不必奏冰絃

繆肇甲

字墨書號補山泰州貢生王小村云補山祖嶽明崇正間以布衣伏闕上書免泰州浮糧一萬五千

餘石補山內行克修為明體達用之學適下河堤隕孫司空在豐就其家詢訪善策功輒以濟善問月樓詩集芳苞亭文集

蘆溝橋懷葛天衣喬梓

客路同君讀楚騷清尊明燭興偏豪詩逢知己還分韻客到
臨岐解佩刀兩世論交存我輩一鞭遊子戀同袍國門揮淚
難分手愁見孤城片月高

沈嘉植

字子厚號恒雙秦州人鳳阿裔芝山子作詩不喜酬應遇名山水則津津吟哦不已著山雨樓集

送友人入都

迢迢冀北道遊子漫羈棲古驛寒梅放平沙朔雁低千盤衝

雪度一劍帶霜攜珍重樽前約春風聽馬蹄

暮春起雲山房送家竹西北上

石林精舍倚山椒俯瞰清溪野趣饒幾樹殘紅飛小閣萬重
新綠隱危橋春來花鳥供遊屐我輩文章付酒瓢爭奈聯吟
纔竟夕東風明日又征軺

郭

礎字石公江都人順治壬辰進士官順德知府太守
挑羊尾河濬大郝黃楊諸口夏無橫溢又可灌田
洵惠政也

避暑夜坐

出門卽灑灑舉面何茫茫有眼留觀我無言各斷腸酒中誠
混沌禪悅自文章夜靜耽溪坐梧桐月滿牀

陳世景

字所軒通州拔貢生王小村云所軒高祖梧岡少
司寇曾祖如岡大司馬父萬持文學有聲庠序詩
文得兄散木射氏范十山之教矜
慎不苟作著所軒詩集露香詞

淮海英靈續集

卷一

四

眼鏡歌

曾幾何時眼汁枯觀書不復辨魯魚購得西洋玻璃鏡察及
秋毫儼如初晨起盥漱彈冠畢急取出匣光侵膚賞奇析疑
相與共何可一日此君無嗟乎汝是身外物依附吾身成膠
漆眼翻是假汝是真顛倒假真忘形質宛如日月忽雙懸又
似熬燈燃太乙當年舜目張重瞳豈獨項羽爲之匹狀汝之
美汝實奇佐我不逮誠我師汝能使目無不視胡不使心無
不知怪汝炯炯對書史一讀百遍旋忘之欲棄書史置高閣
既有汝在安得辭強與汝俱面貌變此態難令少年見爲慚
四十無所聞傍汝吟哦泣鬼神

九日卽席用少陵韻

天氣全開霽重陰歎昨非共云秋正好只有客懷歸席上冠

纓整籬邊菊影微主賓癡兩絕欲別更牽衣

廣陵邸中偕同人作

廿四橋邊舊酒樓相逢聊共聽更籌應知短夢還家遠一任
孤燈照客愁古驛烟花魂欲斷春宵風雨氣如秋漫歌白石
悲長夜恐有英雄問飯牛

徐元美

字懿公江都人順治丁酉舉人
官淮安府教授遷國子監學正

遊平山堂

山水共蒼茫登臨引興長徑幽芳艸碧松淨石泉香冷雨隋
家苑春風太守堂銜盃思往事坐久莫神傷

范大本

字心淵號缺菴如皋貢生官中書
經子著紫薇集大樹山房集

春暮崇川舟次喜晤王叔旦

一別動經歲空餘魂夢親何期今夜月得共素心人話舊傾

尊酒看花惜暮春明朝歸棹發兩地各傷神

晚登金山

南北分形勝江心出此峰湖來雲水合日落海門封深樹夕

還密遠山晴更濃中流有砥柱不必畏蛟龍

戴

梓

字文開號耕煙老人元和人居江都布衣

初生時其母周奉姑避難梓遠廟夢神授以見故名丁

詩畫負經世才智計過人尤好兵家言康熙十三年三

藩逆命上命康親王率師駐浙禮聘梓為陳天

說降之大兵勦闕偽將馬九屯九龍山師不得進梓往

韓大任江機楊一豹葛如筵等收其眾討鄭國信督造

戰艦十五年丁父艱歸未免喪時臺灣未平王輒令

梓赴軍製冲天炮以獻凱旋入見上試春日早

朝詩軍製冲天炮以獻凱旋入見上試春日早

元和應作仁知
夫殿抗郡訪
輯已收入四錄
河州烽火晚照
一首五區識

移直中國養心殿紅毛國進蟠腸鳥鎗上謂其使

日是中所有也命梓仿造十鎗資其使

上又謂梓曰法瑯器中國所無汝能思得其理乎

詔五日成以進西洋南懷仁謂冲天炮出其國造

之一年不成
率羣臣親試之
即封炮威遠將軍
鑄製法
官名以示不
朽後征葛爾
爾以三炮
陸其營
遂捷在
南書房時與
西洋人徐日昇
論律呂不合
及炮成懷仁
愍且憤
值梓
子京與張獻忠
乾孫陳宏勳
忿爭訟於
朝西
洋人乘
間力構之
徙關東籍
潘陽東
饑以歿
年七十
入瀋陽
稱
耕烟先生
子京亮
亨高亨
進士官
知縣
敦行
能詩
工草書
與李錯
陳景元
號遼東三老

古意

鬱鬱復鬱鬱
西風吹絺綌
白草動悲音
黃埃躡危磧
仰見隴頭雲
不見水底石
水石抱堅貞
千年如一日
隴雲多變端
崇朝不謀夕
隱現雖殊觀
君子貴自得
披襟臨回殿
顧影三嘆息

看劍

昨夜龍雷壁間泣
寒芒閃閃光
幽室曉來啟
匣自抽
看桃花
隱現腥還濕
十年不用嗟
神龍徒掛空齋飾
牆壁清泉為浴

礪礪礪陳塵拂去生寒碧仍收寶匣藏牀頭三躍不容皆吐
出侍兒驚走奴辟易何事精靈動白日咄哉劍兮夫何爲用
爾曾經在疇昔煙消賊死鼓聲沉戈戟旌旄盡斂戢爾獨鳴
鳴猶夜鳴鳴成碧血復何益抽來簷下復重看彩暗光韜類
鉛錫垂頭收拾付僮兒神器空餘人太息

出獄口占

已解囹圄困翻生離別傷遙憑南去雁不死慰高堂

老母時在揚州

望山海關

雄關割據勢崔巍羣盜紛馳舊祚移四海謳歌歸
主萬年豐沛啟邊陲東開碣石連滄海西指臨洮限遼夷謾
道鶯花虛塞外春風隨我到天涯

烽臺晚眺

極目俯高邱清笳隱戍樓萬山環地落一海抱天流白骨何
年戰黃雲終古愁徘徊無限意霜月滿征裘

佳公子招遊郊野座中贈陳省齋夢雷楊玉斧瑄兩太

史

謾說成名早文章亦禍機謀生雖寡策教讀且療饑紉有
君恩宥休傷時事違升沉何足定強飯望朝暉

贈李鐵丸

東海有長松亭亭一千尺挺拔干雲霄陰森蕩天日蛟龍不
敢窺風雨何能蝕有時明月來清影散寒碧不爲繩墨拘應
笑棟梁失抱此千歲姿支離託泉石

送王司馬台鉉之任荊州

此去荆山好余曾負笈遊瀟漫三澗瀾窮窵五華秋米賤官

餘俸魚肥釣滿舟琴書攜八口可不向民求

既喜之官去相看復黯然一身留絕塞萬里羨長鞭路入雄

關斷山當粉署懸思君何處切楚月照遼天

冬夜卽事和陳侍御韻

空堦冰雪照星辰尊酒悲歌縱此身驄馬繡衣成往劫黃塵
白草共邊塵十年如夢人何在萬里無家草不春潦倒細推
浮世事生涯只合老江濱

齊思亮

字珍卿號元老南昌人僑居江都詩徵云元老與

不得嘗曰我胸中如許即壑豈供役使耶以詩文就正者但拊掌大笑而已著笑笑堂集

宿真州梓潼墩

勞勞車馬客此地得孤清斜日千峰影微風萬竹聲避炎離
酒甕消晝賴棋枰極目長江水何時洗甲兵

揚州早雁呈阮亭先生

嘹唳長林葉未乾
欲依棠蔭遠來邗
好歸樂土詩中詠
不作流民畫裏看
半遇魯譙廬舍盡
平添飲啄野田寬
獨憐跨鶴人相見
為說年時客路難

朴樹灣孝婦祠

詎有人肝許割宜
割而不死事尤奇
但知慷慨忘身意
莫解從容舉刃時
天上日星收正氣
河邊風雨暗靈祠
千秋俎豆尋常事
朴樹青青繫遠思

登瓜洲玉皇閣訪和默上人

王小村注閣即宋史所稱

龜山寺一名彤雲閣住持僧為狐逐去閣遂地先曾王父鐵甫公捐資重修延羽士居之吳郡石鈞清素堂文集有形雲閣祀事載

郡志

東山峻閣俯林落
卻與支山習靜宜
一徑往來蓮社客
六時

背誦草堂詩簷前煮茗秋風冷几上香添白日遲坐聽元言
超物外令予心地有遐思

王日講

字學臣號錦江通州貢生官溫江知縣王柳村云
滇黔變起鄰邑官長托病辭大吏以雙流新津兼
委之理繁治劇教養兼施父老稱三仕令尹以強項
忤上游罷歸結茅廣陵城下藝花蒔竹有出世想

送鴻

憶別家山事已非春風振羽逐雲歸已思塞上聲聲冷莫過
衡陽字字稀來日定期來歲約去時猶是去年衣送君長往
沙頭立一望江天滿目飛

寄子

錦江當日錦帆開雁過衡陽信不回淚為啼猿愁自滴心慙
舐犢夢還來霜飛六月凋棠樹曲罷三春怨落梅欲賦歸田
歸未得懶教鳧鳥到金臺

撥霧掀雲見月華
幾番射影受含沙
一官卓茂薑如性
三徑陶潛菊自花
鳥道何人堪結屋
蠶叢愧我不還家
如今總作林泉計
且住鍾山學種瓜

李藻先

字素臣號訥菴寶應人順治丁酉北直舉人科場難發被罪者數十人惟素臣與沈旋

章皇

帝面試得白仍准作舉人著湖外吟南游草

過邗關東成計部

相國聲華屬望高
士林爭覩鳳凰毛
北宸已重郎官譽
南服新兼使者勞
疏道微輸頌
轉權裕邊勦
葉待飛艣深
數世切河汾
誼捧袂今乘萬里鴻

題汪蛟門愛園

何處園林著風流
想竹西龍文具弟
檀鶴玉老親
鵝石古雲根
穩桐稠月罅
低洞天傳小有
恰恰爲君題

陳天祥

字永錫一字永思號思軒土坤子江都諸生幼失怙母張撫孤斷學最敏士行著思軒集

登雲山閣故址

閣在北門外背市橋南宋陳升之建呂公著嘗覽其上秦少游撰中秋集語今

故址俗呼為小金山

雲山閣已剩荒邱高壘猶能四望周南北漚流城下水東西

對峙郡中樓登臨有興懷公著歌隊無人繼少游鴉噪暮雲

孤嘯雨蕭蕭蘆荻入殘秋

王鴻藻

字彤國號目山秦州貢生官訓導心齋詩集落不羈英英姿爽露有鳳翔牛似之貌有鷓鴣吟集

瞻秦岱

登嶂層巒急暮鐘千山一半削芙蓉氣通呼吸天門樹梯接

雲霄日觀峯客到珠宮探漢榻鶴巢松頂話秦封欲攜謝眺

驚人句直入煙霞十萬重

九日旅懷

登臨何處是高臺
滿目秋光入望來
客館又逢佳節到
故園先負菊花開
那堪舊路仍黃葉
細把新愁付綠醅
萬壑千山風雪暮
空囊羞剩敝裘回

黃宮檀

字上木號木庵仙裳族姪得母朱之教幼卽爲名諸生援入太學授州司馬其內父田半園嘗語人曰溫恭處世之法我於上木得之矣丰神閑雅世比沈休文稽叔夜

春日宗梅岑同王孚嘉諸子過仙裳叔寓齋未遇

偶過邗水駐星槎
日日僧樓聽暮鴉
肯向阮厨來舊好
直教謝屐到貧家
林飛細雨三春老
溪冷江梅一樹斜
塵事獨羈虛宴會
那能重過把流霞

上孫司空夫子

看竹曾過大阮家中宵
劍氣識張華未從東海終
三策仍返西清判五花

聖主獨崇師相禮部民爭望使臣槎爲言邗上觀濤久不得
吳陵拜絳紗

周彭年

字聃友號雪厓江都人王又村云雪厓父號調甫學精性理以明經知故城時稱召父雪厓屏居西

村有高士風著醉雀堂集

古詩

凜凜歲云暮驅馳何間關堂上有老母策杖盼我還我還未
有期親髮早已斑孰是劬勞恩竟爲名利艱惆悵令人老涕
泣獨朱顏

明月何皎皎照見妾羅衣羅衣舊時作擁妾增光輝不謂別
離久心願與我違昔傳在瞿塘怒濤日夜飛妾心常恐懼不
能相依依今言在巫山巫山有神妃朝暮思顏色難保君是
非君心不敢料妾心或知機但願無他好敢怨君遲歸巫女

常好顏妾色常苦饑顏色或不殊能令君瘠肥

讀陶

秋風蕭庭柯瑟瑟振寒聲閒居寡物感聽之移我情穆然誦
陶詩真氣與我并心目一鏡開豈止慕其名

或曰陶淵明抱德真間見寓酒以遯世躬耕以韜養大節與
清風時窮自不變深衷誰與言悠哉詩數卷

古人心眼間奇識兼奇趣高致如蓮社攢眉猶不赴向微一
遠公孰能契其素置身百尺樓千秋如可遇

王

梅字鹽梅號遜雪泰州人官州同知燕處有青鸞翔
集經年不去飲酒則侍立如僮僕曰我生平乏知
已特此驚耳
著吳陸集

初春客瓜渚登頻申樓望南山積雪

好風迎幽人吹綠江干柳浩歌登此樓我懷非復舊雲開雪

千峰寒色逼戶牖江南遊冶兒金驄更馳驟相對復踟蹰相看失去就

天寧寺識子先上人

到門先見竹已識主人風座定塵囂淨牕開色相空雲多天不礙僧冷句偏工我欲攜尊酒論心數落紅

姚英遜

字元超江都諸生王柳村云元超性高介閉戶村居時流罕識其面往來烟水間不知塵中有何事

著也樵集詩淡如遠山蒼如瘦石高如飛雲澄如積水與湯秋實友善湯工丹青

過野田訪費燕峰前輩

王小村云燕峰此度先生晚年之號也

每憶揚雄宅春暉載酒過抱門溪水曲隔樹鳥聲和作客依淮海傳經臥薜蘿錦江離亂後不是舊山河

同無文書岡資聖昭過禹壽寺

爲愛秋光好江南山色開偶隨高士杖同過梵王臺樹密衆

禽隱天空一雁回
陶潛蓮社友愧我亦追陪

留別白下諸子

古來崇意氣
伐木想嚶鳴
料得此回別
終宵夢不成
浪花浮棹影
霜樹響秋聲
江上一相送
汪倫潭水情

秋夜湯聖昭招集溪邊分賦

把酒河亭上
亭臺得共歡
螢過秋水白
鳥下晚山寒
交誼貧中見
愁懷醉後寬
夜深人盡睡
吾輩好盤桓

飲黃仙裳先生宅

橋邊長者宅
門巷薜蘿封
把酒讀新句
登樓對遠峰
甌浮茶色嫩
窗覆竹陰濃
不厭頻來往
何妨日過從

吳若梅

字雪疑號曉江儀徵諸生曉江高才不遇嘗日得失有命學問由已著黃山集曉江集

寄汪遙光

好花不妄笑好鳥不妄鳴男兒負意氣四海任縱橫河水流
湯湯遊子河上行裝輕易檢束詩窮見性情惜哉不得志鬱
鬱守空名古道無人言何不歸柴荆悵然寄素書望望遠山
明

虎頭巖

巖勢猛如虎斜撐踞石叢溪流人欲碧花發鳥俱紅日落寒
侵瀑天晴水接空低徊未忍去談笑對山翁

白龍潭觀瀑有懷九霞大兄

白龍潛蟄處日夕雨聲聞絕頂疑通海懸流半出雲陰晴谿
壑異喧寂翠微分幽賞誰相共臨風獨憶君

鄭

昂

字若干號湘漁又號耕岩歙縣人居江都著餘力吟山水間詩竹窗詞意詩如幽蘭自芳老鶴獨立

春暮寄懷宗丈子發客池陽

有懷春又暮柳絮一江飛天遠難逢雁山空獨掩扉已閒孤
嶼月應采九峰薇猶喜殘花在依稀待遠歸

喜晤何丈雍南

相過頻扣戶相憶惜離羣經歲遊何處初秋喜共君衣沾靈
鷲雨帆帶敬亭雲爲愛新詩好閒吟到夕曛

乙丑移家廣陵留別京口諸君

未定幽栖志隋隄卜築時故人滿江上相送賦新詩一水分
南北三山悵別離再來應是客沙鳥莫相疑

移家廣陵

卜宅來邗上依然一巷斜喜多高士履更近故人家掃室重
開卷攜鋤且種花自堪容嘯詠何必羨繁華

早春過南郭草堂訪閔賓連丈不值

南郭罕人事先生此結廬徑留殘臘雪圃長早春蔬每曳箒
幽杖應多未著書牆邊梅欲放踪跡肯教疎

過建隆寺喜晤倪永清先生賦贈王小村注永清寓寺中選詩最

人知聲價高燕市忽漫相逢古寺中仙骨由來應化鶴奇才
無那只雕蟲經春攬勝臨邛水到處徵詩采國風喜接清談

忘去住况兼好客有支公謂遠峯上人

夏誠善字元長號鐵菴江都瓜洲人瓜洲志云元長家伊

民贈詩云司馬承貞後論詩復幾人蓋謂作詩如鐵菴
方可把臂入林耳著清味無能開集萬松坡云元長與
蔣高士前民友善有鶯啼花有聲之
句未經人道柳村師嘗為子誦之

過渡青樓有懷

江流去不返江月照空樓惆悵思疇昔興懷感舊遊依依衰

柳岸漠漠暮天秋何處聞清嘯蕭然四壁愁

周天池樓成集飲

春草已芊芊春風拂柳烟
偶來消薄醉猶復似乘船
樓爲耽幽築詩因得趣
傳主人多雅尙清咏落花前

南樓晚坐

樓扉終日掩高坐可逃名
雁度雲留影鶯啼花有聲
遠峰千樹合隔岸一燈明
何處來塵思壺觴聊自傾

舟曉

一枕雞聲亂舟人促曉行
秋蛩沿岸語殘月湧潮生
野曠知寒早機忘覺世輕
偶來尋故事不是羨魚情

謝家樹

字皎臨號笠庵江都人世居棠湖
受知於朱公宜庵著春草堂集

河梁吟

把酒酌河梁遊子惜孤征
策馬空躊躇誰非去國情
朔風何

湘湘詩集卷之四
蕭條念之心爲驚故山日已遠華髮日已更美人渺雲漢瑤
瑟無令名悔不專田畝長此樂躬耕

送顧天石北上

飛鴻響遙天彤雲寒廣陌杖劍者誰子云是遠遊客生男願
弧矢及壯慕賢辟要路惜霜華日短苦行役鄒陽事千載雄
談空碣石縱目滄海濱風波渺何極

平原夜宿

憶昔平原地曾供十日歡那知今夜月又作異鄉看薄酒眠
難定孤燈氣更寒雞聲催曙急何日到長安

石

湘字玉香號巢雲如
臯諸生著巢雲集

醉歌行

我欲醉兮浮太白一醉三萬六千日我欲歌時聲激揚滿座

聞之皆若狂酒亦不停歌漸急曠懷直欲空今昔蹋臂酣呼
興轉豪仰天大笑脫巾幘世情翻覆君知否眼前鹿鹿非吾
友晨夕綢繆轉盼疎慷慨意氣竟何有細數交游誰最真只
君重義樂清貧年來爾我不得意兄亡親老同酸辛君不見
漢時司馬歸成都身著犢鼻妻當壚又不見韓侯未遇遭汚
逼顛連淮市無人識自古英雄歎數奇且將樽酒開胸臆

雙節歌

吾臯素推柔孝子哭饑君門代父死歷傳八世流輝光一門
雙節炳青史阿母孀居三十年韶齡誓賦柏舟篇娶婦堅貞
堪濟美視古烈女無後先亡何時際兵燹變雪甲金戈光躡
電驍騎奔騰誰潰圍馬上佳人羞掩面覩顏事仇何紛紛賣
笑追歡從賊軍須臾亦同螻蟻盡可憐千載無令聞爾時姑

婦不得息深入蘆葦剪荆棘曉夜提攜競竄奔弱女呱呱相
對泣忽報妖氛通道塗自揣被擄無完膚攘臂罵賊爭先逝
婦亦捐軀下報姑身隨亂骨枕荒草血濺長流魂縹緲願教
陌路葬朱顏忍向行營誇狡好君不見田橫義士五百人拚
生延頸死海濱君家長幼皆從難迴看若輩梟鸞分

花將軍歌

登陴還憶花將軍慷慨酷似南霽雲霽雲就縛爭先逝將軍
罵賊今古聞夫已捐軀妻亦死一門忠節標青史妾爲蕭家
保一瓣舍羞躑躅行營裏抱兒旋復竄江濱漂泊曹娥幾殞
身足登蓮座達行在其間呵護如有神兒果嶄然頭角異岐
嶷不媿將軍裔豈願兒爲萬戶侯但祈勿墜千秋祀迄今姑
孰祀三忠前此睢陽雙廟同殘魂熱血歸何處空餘瑟瑟松

秋風

陳志紀

字雁羣泰州人順治己亥進士官編修父凝祉舉

言雁羣獨以編修上疏劾天下督撫貪婪狀

為忌者所中戊寧古塔以醫自給久之卒

普天皆

王土萬里猶比隣狂言不加誅蒙

恩

為戍民沙磧豐田畝黍稷自耕耘荷鋤兼荷戈斥埃分所勤

從來生肅理無非天地仁荏苒歲云暮悲風響荒榛旅雁翻

然南臣心拱

北辰百情久已遣忽夢入

君門

花磚鵷鷺集余亦列簪紳說書侍講筵

春殿香氤氳

賜宴及小臣芳醴沾朱唇復捧

賜書歸拜舞

謝

至尊須臾山雞唱殘月照衣衾方知戀

闕

情長夜感精魂來朝值獻歲遙祝

萬年春

淮海英靈續集

已集卷一

共

氛爲已任兩薦膺揚一登虎榜以守戎駐蘭州大小十
餘戰易亂而治擢山東都司重邊略也史閣部立福王
樹藩鎮公參畫大計皆中肯尋擢揚州總兵掛將軍印
後以議論不合固辭乙酉 豫王下揚州 嵩使徵之 公
痛哭流涕欲自裁以太夫人在乃就徵居無
何棄去卜居邗江以養親訓子爲樂見詩最

江干舟宿

急雨臨沙渚春風入夜舟驚迴孤枕夢喚起一江愁棹發山
疑動潮奔岸欲浮何年乘白鶴爲作海天遊

贈史晉陵先生

擾攘風塵懶上車開懷笑讀古人書晉無處士惟元亮漢有
良臣是仲舒隱見卽今成獨笑英雄大抵屬閒居秋來池上
開新酒醉向江亭落照餘

韓

燦

字超韓江都人順治戊戌
進士官湖南瀏陽知縣

過水繪園

名振詩壇數十年詩中有畫借園傳聊將碧水環青嶂譜出
嵩山並輞川恨未移家隣此地偏艱共泛結前緣小星佳繪
稱能手繪得圖成波內懸

樊

庶

字潛菴江都監生萬鑑堂云上舍受
知湯文正公著虞叩山人間見錄

贈朱函暉

薄遊今未倦知己竟難逢藻采文成鳳風雲氣化龍交情存
草莽俠義吐芙蓉不盡他時話西林送暮鐘
爾我年逾壯千秋事若何家人愁立壁座客讓懸河爛熳春
光老蕭條夜色多世情寧足問相對且高歌

留別聖宣和尚

說法臺前石已頑可中亭畔玉驄還他時策杖峯頭立不是
今朝雨後山

黃陽生

字岷懷泰州人著月舫集

懷金孝章前輩

我愛金夫子行踪類管賢避秦歸洞口思晉隱籬邊虎阜三
秋月邗江獨夜船相思隔烽火書信倩誰傳

謝家玉

字峩白江都人良瑜子順治辛丑武進士官山東德州衛守備

辛酉秋巢民先生匿峯廬招看芙蓉和青若韻

芙蓉逞秋色環山近翠微迎風標逸韻帶月映清輝覓句忘
深坐啣杯恐暫違主人元好客安用局柴扉

趙星福

字介山江都人順治辛丑進士官貴州銅山知縣

露筋祠

血肉千年等化塵貞標烈性古無倫當年嫂氏如相伴廟祀
同龕踐社濱

楊

鼎字紫虹寶應人順治辛丑進士官平涼同知

采菱曲

菱葉何尖尖菱花何團團願結青青實登君白玉盤
日出采菱去日入采菱歸來往鴛鴦浦驚起鴛鴦飛
食菱知菱甘采菱知菱苦由來食菱人不是采菱女
郎如湖中菱妾是湖中水菱去落誰家湖水清見底

淮海英靈續集

鄉人阮亨輯

韓

弋

字熊師江都人康熙癸卯舉人官名山知縣

蜀中

文翁政教我懷慚宦跡清貧百不堪夜夜祇憑三峽水流將

春夢到江南

張

瑾

字子瑜號去瑕江都人康熙癸卯舉人官雲南昆明縣知縣昆明舊例里民日供十金公甫下車力除其陋曰令食祿于君不食傭于民嘗言平百里之政要在長者故之短者補之偏重均之辨滯塞之梗者鋤之支蔓絕之如是而已觀其所言可以知其學矣卒祀鄉賢祠

壽冒巢民

隱顯無二致達人慎行藏憶咎文明日羣彥羅廟廊先生握

柔翰高名擅詞場人事一朝改戎車盈四方翩翩紫霄翮不

與凡鳥翔返衲事耕菽淮纓愛滄浪穩栢東城隅水木靄青

陽興來移杖履賓至傾壺觴者舊久寥寂巍然見靈光儀型
谷所仰齒髮今且康欲持此春酒鼓棹躋君堂遠隨盍簪客
載賡維南章

黃國袍

原名袍字衮衣號澹峯一鑑子布衣著塹溪詩鈔
黃虛谷云澹峯高情亮節能詩善文邑中名宿如

張茗柯奈文濱奈羽尊范十
山萬登嘯干初輩皆與納交

偶興

秋水路迷咫尺野航人受雨三載酒還來舍北尋花却過村
南

輓晉辟疆

前夜江城隕少微驚聞鄉曲哲人萎東山久繫蒼生望

北闕新承

聖主知一代科名歸勝國千秋鈞黨續殘

碑慚余病卧荒村外涕淚臨風奠酒卮

史繼鱗字司直江都人康熙癸卯舉人官太平府教授

新棠湖夜

夜發新棠棹行行出柳堤環舟三面水啼月四更雞風逼衣

裙冷天迴河漢低匡牀高卧者應笑我栖栖

宗 範字左三號半僧如臯人康熙癸卯舉人官知縣大令謝歸萊室新豐莊高卧著書未幾中風症卒

二月晦日偕同人遊水繪巷

習家池上草萋萋野老相將望欲迷山色空濛盤小閣波光

明滅入前溪樓臺隔岸浮雲暮花竹當門落日低修禊來朝

何處好枕烟亭北小橋西

張闓達字天民江都人康熙丙午舉人官趙城知縣曾刻王文成全集以志私淑王柳村云天民為諸生時

值史道隣守揚州高傑以鎮將欲屯兵城內天民請軍

門力陳不可且曰封疆至重公不可以昇賊道隣怒其

阻撓逮至瓜洲將倭以軍法有龔克初者從旁大呼曰此壯士不可殺遂召入論時事改容謝之天民著易辨

疑左傳分國記事諸名臣言行錄節要河道未議諸書

嵐縣夜坐

濁酒更闌後邊城月上初風沙
愚虎豹霜雪寵樵漁何處人
吹笛空山夜讀書雞聲催漏曉
客思竟何如

慈雲寺訪宗鶴問遇黃自先送邱接青歸北門

迢遙鐘磬隔藤蘿忽聽旗亭唱
別歌千里征裘分白露三吳
明月隔黃河長途日薄看君去
殘葉秋深奈客何濁酒傾來
須盡醉樽前感慨一時多

張

楷字芳傳號阜樵江都人康熙丁未進士官內閣中

書遷主事王小村云芳傳以家居候補遂不出作
詩不為月露之詞時以邦之司直咏之著拙效齋集陳
小雲云琵琶亭地郭海書奉使江右捐俸重建可稱韻
事芳傳有高風舊說白司馬勝事
今傳郭細侯之句情未睹其全璧

燕子磯晚眺

舟泊寺門開青山入望來浪平江月定鐘靜海潮回沽酒橋
西路釣魚磯畔臺涼風拂面起緩步踏莓苔

寒食登雨花臺

石頭城外有高臺寒食登臨霽色來千里山光迷樹遠一江
帆影趁潮回野花偏傍遊人屐芳草能停客子杯日暮東風
增悵望故園應是海棠開

聞雁

河北旱千里江南水汕汕流離向天涯愁聞是鴻雁哀鳴何
嗷嗷使我心憂患十月霜花飛歲時已云晏稻梁爲爾謀風
雪憐爾慣古人比流民此理豈虛幻
天子下詔言拯
飢粟立辦存活在須臾感激復何憾寄語莫長鳴安堵只轉
盼

讀許給諫修復五塘全疏

揚州城南江水曲揚州城北淮水綠長海大江勢蜿蜒土肥
泉甘稱膏沃由來此地盛繁華買鹽賈客競浮誇西北三山
好風景春到遊人不到家繁華俗習何時已日晚笙歌聒人
耳行人往往說蕪城土沃民稠需此水此水淼淼難禁富灘
淮汴泗會歸黃黃沙刷盡走東海直入清口達五塘五塘舊
址始爰漢上雷下雷山作岸廣陵郡侯有陳公鑿池利民民
因喚小新句城城西隅五塘濬蓄不會枯軍備民賦取用足
漕艘鹽茨時所需貞觀初年李襲譽引渠漑田功最著敬愛
陂前留水門青苗使者加葺處大宋熙寧中赤日下祝融新
河一曲民立拯斗門石礎何崇隆元人議海運漕渠置不問
明初建堰設塘夫啟閉蓄洩都無紊年代淒涼感廢興高岸

爲谷谷爲陵石梁千丈那可得捧土塞堤旋踵崩如何塘廢
河亦決河水怒號塘能咽官家疏河不濟塘無異行隄反塞
穴及今釜底都成田沙門廣種取十千香積厨中飯僧偏可
憐千村萬井絕炊烟吾鄉薦紳許給諫痛切流離悲水患上
疏千言比繪圖 天子聞之且長吁廉明五馬善承

命不畏強禦盡吞併按圖履畝諮老人申明上官次第
陳近聞三塘易修復附郭萬頃資鋤耨從此禾黍慶有秋軍
民鹽漕有良謀漢家以來幾千載繁華依舊說揚州

除夕對酒

昔日春盤是菜根貧家風味足饔飧隣翁索米歸來急夜半
衝寒獨扣門

范大士

字爾奇號拙存如臯貢生官訓導著拙存集

王柳村

云明經由兵部郎中遷梧州府知府

重九後一日集翠影山樓同鄧孝威顧同東柰羽尊張
孺子作

與君分手去我醉興猶豪涼月中天在山林秋氣高歌思河
滿子神往鬱輪袍拭目鄒枚手珠璣托彩毫

高以位

字素其號逸齋江都人
康熙庚戌進士官中書

祝秦母王夫人六十

誰家滄海上弱水淺蓬瀛漠漠仙根遠垂垂玉樹盈青林迷
晚嶠絳實啄春鶯應有飛瓊駐坐看雲氣生

陳瑄

字仲宜高郵人康熙庚戌進士官郎中李少
山云瑄弟琮字同科舉人官宿州學正

重葺休園

名園重葺古城東選勝携樽興不窮三徑未荒游屐滿春風
依舊落花紅

吳之驥

字耳公號達庵歙縣人儀真籍康熙壬子舉人官

要語一書自修身齊家及治國諸大端有裨聖學不

獨童子當奉為藥石也柳村與汪稼門制府節韻切儀

九容廣註並梓之以示學人之

則制府更其名曰嘉言輯要

文殊院

絕壁虬龍卧綠梯石罅開耳目忽超曠松際天風來魏魏紫

玉屏前有文殊臺俯視萬山伏蒼藪混茫同天都倚空立蓮

花根未栽顧盼當左右形勢俱欲摧把臂呼山靈賞心復疑

猜

煉丹臺

翠巘環相對丹臺傲山麓身若無仙骨安得此追逐何必燒

煉術乃見龍虎伏紫石盤蒼松壁立俯幽谷奇峯插天半下

如絕地軸佳處太無情形象盡駭目探奇不欲返神動氣俱

肅芝朮已在手願抱彩雲宿軒轅招欲出授我神仙籙

觀九龍瀑布

名山無鈍水高下恣竒探九級飛泉落青峯響綠潭羣龍挾
巨浪迭激當晴嵐漫空捲霜雪上與孤雲參珠玉凌空墮島
嶼此中涵夙管夢姑射旣覩神愈酣悠然結遐想歸卧南山
南

鄭爲霖

字巖聽
儀徵人

送汪悔齋太史出使琉球

盛代梯杭拱上都簡書萬里使臣驅職方自入齊諧志禹貢
今歸王會圖詩探驪珠驚水母劍彈蛟室避天吳知君夙負
任公釣乘得長風過海隅

湯彭年

字式臣江都人康熙
丙辰進士官中書

送汪悔齋太史出使琉球

江干把酒送孤航
瞬息賢勞天一方
旌旆影斜勤夢寐
波濤聲靜驗文章
迎風七宴他鄉醉
倚馬千言上國光
博

望于今仍犯斗仙槎
明月接雷塘

許承宣

字力臣江都人明賢子康熙丙辰進士選庶吉士授工科給事中與兄承宗並祀縣學江都縣志云

給事陳揚州水利賦役二疏剴切詳明有裨桑梓辛酉典陝西鄉試還京條奏晉開利獎六事上之並請廣捐修學官之例悉見

年五月

世宗舉承宣向所上水利一疏傳問揚

人之仕京師者旋下江南督撫酌行之

喜劉玉少至晉中

春盡江城客到時
恰逢高會起南皮
鄉關此夕人如舊
風雨經年榻未移
燕市啼鶯三殿草
太行歸馬一囊詩
最憐吾黨頻離合
翹首銅鞮淚幾垂

送申周伯之楚

春盡清江上孤舟兒女心離家從遠道入幕動哀吟路傍沅

湘險情連峽水深淒涼丹井畔無事且幽尋

時有喪女之感

韓日起

字子震號碧滄江都人順治戊戌進士官盧氏縣知縣陳意超云大令勤於無民雖催科亦若有不

忍者時稱循吏

祝秦母王夫人六十

霞帔星冠綠髮髮自言來往三山窟秦宮漢殿空江流手執

鸞尾弄明月

盧

英

字榮兮江都人康熙丁巳舉人

侍河陽夫子登平山

公也今邦彥平山得暫留飛花隨鳥下帶雨入溪流風雅追

前哲文章續舊游盧陵遺蹟在尺五仰高樓

李儒琛字郵如高郵人監
子康熙丁巳舉人

蒙陰步友人韻

層巒看不盡馬首又龜蒙地近尼防古山無秦漢封荒城千
嶂碧古道夕陽紅安得移家好朝嵐暮靄中

蔣夢超字秦州人

平山堂

一望平山碧四圍春風楊柳尚依稀不知種柳人何處嫩綠
猶然惹客衣

黃喬年字鳥倦秦州人
著辭香樓稿

冬夜過徐辰玉留飲因懷梅峯

快哉今夜酒又與素心揮話久深譙漏詩成倚竹扉霜驚樓
鳥夢寒逼旅人衣忽念遠遊子栖栖胡不歸

陳時震

字東生號雪巖江都人康熙丁巳舉人官華亭教諭

侍河陽夫子登平山

有阜傳名勝登堂想舊蹤野雲歸後澹逸興倦時濃高閣春

初啟方塘水正溶隔江橫晚翠歷歷數遙峯

孫永烈

字爾康號孝穆儀徵貢生官訓導著鸞鳴軒集

輓紀伯紫

少微星隕在江城此夕知君撒手行那讓右軍垂筆法豈容

杜老得詩名千秋壯志青山廢一片冰心白水盟遺籍何愁

虛鄴架階前玉樹已崢嶸

哭魏叔子

風雪寒江締舊盟豈期長別在茲行玉樓天上催文藻薤露

人間痛友生七尺寄來原夢幻千秋傳處動心旌最傷旅櫬

歸鄉日淚眼婆娑老仲兒

費錫琮 字厚蕃江都人新繁籍著白宦樓詩 國朝別裁云厚蕃為高人此度長子克傳家學五言有大江

流漢水孤艇接殘春之槩王新城尚書惜未見其詩王小村云此度奉父仲若卜居江都野田莊

黃河

靈脉來天上渾流晝夜奔縱橫穿套口屈折下龍門地入滎

陰斷山臨華嶽尊何須逢漢使便擬溯崑崙

登北固山

絕嶺橫江岸登樓望渺然潮來徐福島山出寄奴泉境界分

吳楚波濤混海天千秋爭戰地今喜靖烽煙

費錫璜 字滋衡江都布衣此度次子著貫道堂文集掣鯨堂詩集滋衡作樂府一閱名落雀或以呈勤郡王

王乃集名輩讀之多不能句度一時李唐思輩皆為擬作在都中李合肥留居貞松堂對人常有太白之目與

黃叔威劉靜伯倡古詩社為時所宗屈山人贈詩云開元大歷十餘公盡在高才變化中誰復光苾真萬丈請

仙猶讓沈花翁其領倒如此沈文愨云古樂府蒼蒼莽莽時有古音然亦不無粗率處陶汰之取其古而近雅者迥異時流見

盟鷗淑筆談

枯魚過河泣

枯魚過河勿復泣亦勿復悔亦勿復寄書前有網畢後有網
鼠下有網罟上有網罩大魚吞睛目爲明珠小魚啖沙曲鐵
生須出不得與樂人不得與居法令如繭絲安能伯叔兄弟
長相呼

貧交行

泰山可拔黃金可焦誰能富貴不忘貧交

結交古辭

懷貞履信遇患始知結契未深愁見君疑

麥仁謠

費子家壺村與妻春麥仁爲食穉子苦其粗糲無餼菜
佐食有難色費子乃歌曰

晨食麥仁暮食麥仁勿厭食粗麥仁且無

悲落葉

悲落葉落葉烏足悲葉落葉更生君去不復歸

復洲田

順治十三年六月禁海船市易後因海氛遂棄洲田不
許耕種康熙中始復洲

我有田疇誰耕誰穫我有場圃誰治誰築
我有田疇蒔蘆荒之我有室廬蛇虎藏之
復我田疇葺我室廬伯也有酒胡不我呼

兒語

鷓鴣搏雞雞有母護離親出門心寒行路
食魚去乙食李去核治國去賊

故將

非吾識者誰之師大樹千秋今再見老壁幽松絕市塵汝曹
不識將軍面將軍鐵稍起關中手握赤符成大功凌烟畫壁
功第一劍履上殿誰得同自從天墮烏號弓將軍捲甲歸山
東寶刀不洗敵人血露布曾傳倚馬工後生莫漫誇詞賦醉
後爲君禿千鬼不嫌酒似戰袍紅看君射虎花深處

鐵鞭行

城危三日救不至城內百姓枕藉死黃侯鐵鞭起一呼賊徒
夜遁二百里高天月墮城門開眼見枯骨重扶起黍苗穰穰
稻穗黃赤子倚公如爺孃傷心壺酒江干廟父老春秋百戰

場

松竹引贈石濤上人

石公畫竹如畫龍畫龍之法亦畫松竹松夾畫兩龍合壁間
夜夜雲蘿封竹幹龍骨葉龍爪松皮片片龍鱗老枯藤糾結
龍筋纏竹枝松刺龍髯掃善畫乾坤不幾手吾師得名亦已
久寫出青山幅幅奇生面從前開未有皴染破盡古人法眼
光如炬膽如斗胸中邱壑日層出頓覺倪吳翻在後精靈豈
必竹與松君不見石上飛泉作龍吼

揚州太守行

正德中蔣公瑤爲郡守武宗南巡公能保護一郡民力
今廟在南門外感事懷古作以示同學

君不見武宗昔幸揚州日太守蔣公惜民力一日需布三百

匹一匹只給三五尺臣妻臣女請前驅郡中郡外皆帖息強
項敢觸至尊怒冷面不怕江彬責事臨盤錯思古人嗚呼古
人那再得嗚呼古人那再得

吳宮曲

朱樓迢遞湖邊起紅粉如烟隔秋水龍笛飛聲曉鏡寒芙蓉
吹落秋波裏秋波花落不勝秋誰爲君王解此憂空留一片
西施石尙起游人南望愁

長相思

遠別離長相思將進酒金屈卮相思曲歌勿遲桑葉白雉子
班君馬黃度關山長安道往復還折楊柳行路難妾薄命骨
肉單城上烏啼井欄臨高臺望長安錦衾羅帳夜生寒皎月
穿簾不可關微風動搖如波瀾此日君遊向何處此際思君

淚如雨剪髮如絲線繞之千絲萬絲安可數願得葛溪鐵剪刀爲儂剪斷相思苦

沈方舟偕梁藥亭太史自都來揚出途中倡和詩見示
卽送其入嶺南

梁公昂藏人中龍沈侯似儻雞羣鶴一時唱和古曹劉萬里同舟今李郭南海老筆世無敵獨君旗鼓堪相角燕齊道上百篇詩黃河之作尤奇作豫想匡廬到嶺南雲山無數供酬酢我有狂吟和者誰極目乾坤殊落落偕行恨不生羽翼自顧身如遭束縛出門何用千黃金賢豪相依貧亦樂

筆鋒

才人心盡死萬古競毫端微入無形處方知獨刻難銛堪鬼夜哭利比劍秋寒却怪書焚日山中取鬼翰

南遷

白鶴青天上口銜白玉環
凌風舒勁翮流響過空山
往歲辭家去經年鍛羽還
烟汀聊自適珠樹未應攀

湖上

碧澄千頃豁青立一峯
孤月似懸秋鏡人如坐
玉壺烟光隨地盡
水色到天無肯與漁翁醉
隣舟近可呼

芳樹

芳樹何年植青葱
暹檻生落花猶趁蝶
陳葉不藏鶯
枝弱爲風曳香微得露清
無人知護惜惆悵爲誰榮

拜野田先墓示兒軒兄子冕

西蜀難歸去東吳
孤又分流離貧未減
消息斷無聞
脯醢今朝獻江淮
萬古墳先人餘涕淚
孫子見遺文

題玉池生詩

玉池詩似黃河水一氣奔從天上來神禹力疏星宿出巨靈
手攀華山開魚龍春戲桃花動鸚雀高窺銀漢廻大國雄風
今再見梁園賦雪愧非才

書懷

關山無際極蒼茫目送南征雁幾行四海有幾非國士終身
不偶是真狂書成自信千秋業筆健難埋萬丈光一別故人
西嶺去江湖回首暮雲黃

友人自漠北歸

大漠文臣扈蹕過稱身玉靶換鳴珂短簫舊賦從軍曲長鈇
新彈出塞歌沙陷馬難行瀚海草枯春不渡交河怪君匣有
雪雷氣勒石歸來麗句多

十二變歌 錄二

東門楊柳枝早晚遭攀折今日是相逢明日是離別

北邙山上墳新舊知多少今日是黃沙明日是青草

王阮亭少司農招飲

歸然猶見魯靈光碑版流傳四裔香今日布衣陪北海始知
天下有文章

吳姬勸酒

吳姬十五髮鬢鬢玉碗蒲桃勸客酣但過黃河風色冷更無
春酒似江南

送別

春泥滑滑馬蹄輕沽酒提壺送客行多少禽言催客去留君
只有鷓鴣聲

周之翰字申公號崧庵江都人明末諸生官至福建按察使僉事

送汪悔齋太史出使琉球

天朝慎德四維正翰苑賢勞簡侍臣鳳舸浮來輕似葉

龍章宣出重如輪風能破浪承 休命海不揚波識

聖人自此中山沾 雨露歸圖王會答

楓宸

湯正垣字映台號槐峯又號脩園江都人康熙丁巳舉人官柳城知縣

侍河陽夫子登平山

大雅歐公業登臨訪故踪春流天外合花氣酒邊濃雲淨山

逾好烟消徑不封咏歸隨杖履指點隔江峯

魏 覃字懷人江都瓜洲人諸生瓜洲志云懷人性穎異工詩文京口姜山公見其白雁詩以女妻之美夙

稱才女唱和如良友未幾姜卒懷人性不諧時俗取大易括囊之意名其閣曰藏鋒懷人歿同里張天紀輯其

詩刻
之

雪中同友人飲江干草舍

北風吹不斷雁語隔洲聞
潮落江如帶山遙雪似雲
開樽來塔影放眼盡鷗羣
酣醉尋歸路寒烟透夕曛

白雁

蘆花搖颭想成行遙聽聲隨烟霧長
點雪乘風來浙瀝片雲和月去蒼茫
朝過界破南山綠暮落橫分荻浦黃
慣是人傳關北冷雁門六月果飛霜

霜天入望有無中想像孤山鶴在空
影落寒潭波自碧翩翻秋樹葉偏紅
蘇卿節重頭先老阮籍狂多眼或同
倘過衡陽經雪後終疑消息未曾通

魯衷淑

字蒼舒號近齋江都人
康熙戊午舉人官峨眉知縣

重葺休園

寂寂園林悵管時斷橋烟柳一絲絲
花開乍落人非舊鶴去還來水滿池
當日漫傳蝴蝶句于今爭唱鷓鴣詞
西窗月落青桐曉喜見明霞映玉枝

熊壽眉

字以介號梅笑江都瓜洲人諸生遲度孫瓜洲志云以介淵源家學弱冠受知于田繪震書畫秀絕

一時其雖盡集茶坡亭詩集為齋孫諫所藏豫子兆澗兆安幼即工詩

江樓懷古

振衣登高樓孤城縱長望大江紫襟帶三山
列屏障洶洶湧波濤豚魚拜高浪中流懼傾顛
渚畔聞漁唱咫尺分安危俯仰生惆悵
緬懷孫仲謀功業一何壯回首化烟雲江流徒泱泱

秋日入桃溪

秋爽發荆溪曉霽山如沐短棹盪波明湖光漾輕縠欸乃入
蒹葭曲港多叢竹四野被黃雲山田稻初熟

登焦山用杜茶村韻

兩日焦山住幽情只自矜欣逢乞食侶喜對看雲僧景物何
能盡風波不易登丹楓催我別短棹促晨興

宿潮音閣

焦山真勝地有月景尤奇蘆荻風剋處梧桐秋老時漏殘雞
不唱夜半鶴偏知幽絕非人境天然畫裏詩

澣墅道中

桃花爛熳菜花香白石清溪十里長隔岸笛聲吹落日中流
帆影亂春光王孫乘駿迷芳草稚女提筐學采桑綉錯峯巒
看不盡白雲供處是金闕

張

琬字幼蔣江都人

送汪悔齋太史出使琉球

恩波原不隔流沙萬國梯杭視一家

聖主垂衣占海

晏詞臣持節賦皇華馮彝歛息扶餘島風偈先驅博望槎自

管文章宣上德嚇蠻書扎儷雲霞

陳忠靖

字念其號曉齋堂泰州人著曉樓詩集

答王蜀隱

春風何事苦呻吟戀切庭闈惜寸陰已負碧梧西掖暮敢忘

策桂小山深大河不鎖還家夢中嶽空懸獨客心莫謂時清

需補袞可堪歲月悞朝簪

姚

曼字東只江都人身長五立才畧過人當事諸以大

意以相投常傾肝胆問不平爲何事輒動鬚眉可想見其人

邗上同諸弟踏青北郭

每到清明日傷春不爲花異鄉雖見弟故國已無家白髮人
將老紅橋酒漫賒今朝楊柳外孤棹晚風斜

吳駿公奉母還京

我亦飄零久何堪遠送人離筵當此夕歸夢已經旬驛路看
黃葉鄉心慰老親長安花事好珍重六街塵

送余瑞輯歸里

送君從此去幾日到揚州山入南徐近江連北固流杏花三
月雨楊柳一春愁我愧王孫草頻年作浪遊

晚上玩珠樓

閒理秋風舊葛巾晚登高閣數星辰湖寬小艇常多月天遠
孤村不見人濁酒漫同詩共廢新愁將與病爲隣飄零何處

悲王粲夢斷悠悠甃水濱

家琢之認工歸里托鉢西江凄其不偶雨夜燒燈賦此

志感

二十五年遠左客八千里外再歸人馬經沙漠嘶初斷淚到
家園痛始真喜見孀親猶白髮可堪少婦已黃塵同君一夜
淒涼雨何事天涯泣路貧

史克欽

字儼若號敬菴江都棠湖人弱冠爲高郵諸生上
元倪開公獎湖吳萬子亟稱之與王武臣張次篋

程念茲朱素公論文
最契著秋水軒集

登平山堂

太守去不來木石自今古燕子下春城垂楊帶平楚望中杳
不分江天隔烟霧

棲霞山

攝山江色裏倒映碧芙蓉石有藏幽意僧無媚世容光開千
佛嶺雲護六朝松禹碣摩挲讀秋陰積蘚封

深秋話友人別業

水漲前村雨楓凋昨夜霜那堪秋色老又聽雁聲涼沽酒招
鄰父持螯話草堂自憐長作客久已負滄浪

劉長會

字筠菴孫豹人江都人存永太史弟受知於龔端毅與許

遺集名自吟起九日止辛未約詩四百餘首在王柳村
處柳村嘗欲合謝遵王瞿時行范荃程鋒暨長會為江

都五子
遺集

送高其素夫子返揚州

吾師忽返駕弟子失追隨一月吟詩富他鄉問字奇潮聲驚
夢短雁影過江遲歌吹揚州路秋清酒滿卮

蕭孝子祠

呼籲情真泣鬼神醫方無計只酸辛力當竭處思爲子話到
危時只問親健飯慈顏新白髮埋香孤塚耀青燐更賢闔閭
勤慕冰節孝蕭家總異人

上侍御郝雪海夫子

簡在標屏上江淮藉度支望能膺
帝眷清獨畏人知

美績書難罄輿情頌未涯歡聞頻晉秩
天聽果非私

瓜渚道中

一棹隨潮下行行轉自疑如何殘歲裡反是出門時栗烈風
威重蕭條日色遲賣文兼乞米躑躅路終岐

寄他山內翁索梅

平生無箇癖愛惜只梅花老樹開應滿巡簷與自奢如何憐
傲骨不肯贈貧家寂寂春風裡香魂引夢還

怨兒吟詩口占一絕

貸米無應晚未炊依依膝下欲何為忽然朗誦陶潛句偏是
當年乞食詩

孫兆祥字泰階高郵貢生著五似堂集

卽事

謗篋一朝開孤臣絕塞來風迴鉦鼓壯霜殞節旄摧鐵騎塵
猶暗玉關人已回咸陽中夜月無柰笛聲哀

顧士吉字叔向興化諸生

布穀

布穀曉啼忙告人具農事我田淪波濤欲耕且無地

胡春生字夏昌號赤岸欽縣人先世本姓呂以事改今姓父光吉官鴻臚擁重資徙居江都以任使名天下

春生有父風家遂中落善作水墨山水有寸幅萬里之勢人爭寶之著赤岸詩稿

懷凌井心

諱馴字龍翰為督師李建泰監軍後以御史偕從子潤生死歸德之難

督師從賊辱疆場御史魂歸是國殤生畏西離歌振鷺死留

雙廟祀睢陽金

正江石故里名相識父子同時姓亦香漫把

封書重洒淚伍胥濤尚湧錢塘

盧生

字敬庵泰州布衣講學江都卒葬於汝寧之羅山

南屏

繞湖山叠叠樹密是南屏近見千重翠遙浮一點青疎鐘時

度水高塔不聞鈴最愛斜陽下扁舟沙岸停

陳王榮

字皇錫興化諸生王又村云皇錫負性誠實獨行隔鄰有古介士風

柳枝

與李平庵作

年年議築堤築堤需柳枝斧盡江南柳不及西風吹西風三尺浪崩堤千百丈一瀉沒田廬鴻雁亦惆悵

趙而怵

字友沂長沙人開心子居江都官中書舍人著虎具集

已亥冬日同高元中遊水繪庵次其年韻

結庵在江海寒月浪中生葉落林逾秀霜高戶自清樓臺開絕壁山水割孤城誰意輕帆到淒妍萬象明

梁于涖

字飲光江都人

哭萬茂先

海內存聲氣遺骸為爾收囊空書劍在人去詠歌留楓冷楚江月蘭摧隋苑秋懷君存短什迸淚湧江流

馮霽大

字麟書號蓼村與化人定三子諸生事母孝以孝聞與兄孟庶階相唱和成一家言

舟中遇雨

颯颯狂風起扁舟泊野堤烟昏千樹失雲合四天低湖海無詞賦川原尚鼓鼙何如南陌上雨後一扶犁

山中訪友不遇

訪友西山去行行傍小溪隔林聞犬吠繞樹聽鶯啼柳絲橋
邊路花明屋後堤主人偶不值紅日下村西

陸箋齡

字夢修號青卿泰州人舜文子康熙癸酉貢生著漱碧堂集

讀書四首

讀書不讀經如繩未引木隨圓因就方視直但爲曲古奧難
難窮義蘊可深復乃知飲食中至味惟菽粟

讀書不讀史如鑑未磨治眼前一寸光物蔽形亦移馳聘于
載上鑿觀有所思乃知參朮功可以補虛脾

讀書不讀子如流未灌注蠡測亦見深尋源得其趣見道雖
一偏立言殊訓詁乃知海錯中更有江瑤注

讀書不讀律如醫未診視良藥自有靈庸師誤投劑罪疑因

惟輕失出亦非計乃使儒者學不如文法吏

喬 湜 字睦州寶應貢生

芭蕉

綠雲當窗翻清音滿廊廡風雨送秋寒中心不言苦

徐鼎鉉 字梅生號貫舫通州人著江南詩存

入安慶界

雨歇千峯霽歸帆下皖城江開彭蠡濶山枕大龍橫節鉞中丞府旌旄列戍兵從來稱扼險南北古人爭

徐芳霖 字雨新江都人權都趙使君謂孝成曰雨新竹西後來之秀也著通介堂詩

蕪城懷古

東南佳麗屬江都大業荒遊矢帝圖翠壓柳陰連御道香來殿脚擁名姝秋風螢苑飛黃葉春雨雞臺長綠蕪遙憶繁華

增太息淒涼五夜只啼烏

王而強

字乾庵
秦州人

同友人尋燕子磯諸勝

十載重過燕子磯相携登眺入斜暉
青山不改當年舊白髮偏疑此地非
孤磬入樓常寂寂老僧迎客獨依依
須知世事浮雲淡莫訝書生拂意歸

王傲通

字龍門號寒士通
州人著越遊草

登北高峯

靈鷲紆盤入翠微振衣碧落自忘機
峯廻越甸千重合潮湧秋江百丈飛
絕壁雲生麋鹿過層巒月映薜蘿稀
側身北望深鄉思三徑荒蕪待客歸

王讓

字子謙秦州人
著菊村詩集

淮海英靈續集

已集卷二

廣陵秋望

秋色蕭條四野空
蒼茫何處認隋宮
屐穿綠樹浮雲外
潮落清江暮雨中
曾憶寶釵埋廢隴
還愁金雁逐飛蓬
偶來邗水尋遺跡
山市青帘送晚風

許大儒

字董傳如舉人

對菊

黃菊當籬放
經霜色更新
傲宜親隱士
香欲贈幽人
舉酒花相映
當軒色正勻
陶公千載後
靜賞孰能真

黃

升字孚庵興化人康熙丙辰進士官直隸大城知縣

水繪園賦呈巢民先生

水繪園佳勝到來卽
小山蒼松隱逸老
翠竹映華顏
高岸從爲谷
孤雲只愛閒
幾多天下士
吟卧不知還

時訪黃仙裳

吳

濂字蓮洲號惺園江都人為浙弟暮橋魁官兵部職

方司員外美髯洪聲初見世廟即蒙

虞賞為桐城張相國所抑歸葺農圃為中隱草堂與

揚大瓢金冬心黃松石康石舟輩吟咏其間工書晚年

垂柳初黃拂大橋秦淮新漲一川遙
春秋愁客思知多少風雨

虛窗話六朝

吳如椿

字大春號情田江都人員外濂子與金農楊法吳精汪寶裘日為詩酒之會

過項王廟

垓下歌殘霸業空英雄遺恨大江東
漢家陵墓知多少一樣

蕭蕭落葉中

黃

封字寄桐江都人

暮秋虹橋野望

征鴻聲裏放遊船百尺垂虹引望偏野菊香浮虛檻外寒楓
紅映畫樓前隔江嵐色都疑雨遠寺松陰欲化烟兵革不驚
民俗樂如今猶是太平年

黃

直字天虹
江都人

九日平山堂登高

堂開六一舊風流折簡招同歲馬遊照水芙蓉依綠浦繞堤
楊柳映紅樓新詩我愧題糕筆名士人矜落帽儔共喜佳辰
陪燕賞壯懷誰復賦悲秋

吳壽潛

字粟木
綺次子

錫山曉發

良夜將三五停橈古驛前溪雲飛欲盡嶺月曉猶懸泉好僧
烹茗鐘清客在船九龍青不斷蓬背壓春烟

陸

壘

字陶菴東臺諸生著懷南吟草

謁王心齋祠

公事見秦州志

名祠趨謁轉平臯
林木森森鳥雀嘈
俎豆兩楹崇父子
衣冠終古尚蓬蒿
衡門舊掩寒塘月
野老時陳碧澗毛
聖道幾人成羽翼
良知今已屬東陶

易之炯

字凌洲秦州人康熙乙丑進士日授子著秋錦樓集

送陸無文先生之廣陵

隋苑匪如舊君行及早秋
亂烟隨雨散涼月下江流
何處飄蘆管今宵夢酒樓
知君憑睇久橫筆賦揚州

送趙石渠守同州

天中行欲盡拔劍指秦山
郡邑寒烟外人家野燒間
虎風開陝路鷄月警潼關
知爾多題詠應憑驛使還